



Ljósmynd: Sigurbjörg Jóhannesdóttir

Rúnar Sigurðsson, verkefnastjóri hjá Kennslumiðstöð Háskóla Íslands

Nýjasta viðbótin við námskeið Háskóla Íslands eru MOOC-námskeið (Massive Open Online Courses) hjá edX.

EdX er stór veita opinna netnámskeiða og á vefsíðu þeirra, edx.org, má finna mörg námskeið á háskólastigi. Strangar reglur gilda um þá sem fá að taka þátt í framleiðslunni þar. HÍ fékk boð um að vera með í þeim hópi eftir að hafa gengist undir þær kröfur sem settar eru. Fyrsta opna netnámskeiðið sem Háskóli Íslands útbjó er í miðaldafræði og kallast The Medieval Icelandic Sagas. Námskeiðið fór í loftið 1. mars 2018 og stóð yfir í sex vikur við mjög góðar undirtektir þátttakenda (Elva Björg Einarssdóttir, 2019).

Einföld skilgreining á opnum netnámskeiðum getur verið ákveðin framsetning á námsefni á netinu. Námskeiðin eru opin öllum og engar fjöldatakmörkanir gilda. Vinsæl námskeið geta því verið mjög fjölmenn, allt upp í nokkra tugi þúsunda þátttakenda.

Hvað er edX Edge?

Samningurinn um edX gerir Háskóla Íslands ekki eingöngu kleift að gera risastór námskeið sem fá mikla kynningu heldur hefur skólinn einnig aðgang að Edge. Edge er kerfi frá edX sem fylgir sömu kröfum varðandi uppsetningu og edX. Með Edge er hægt að stofna opin námskeið sem ekki eru ætluð í kynningu hjá edX. Margir velta því sennilega fyrir sér hvers vegna það komi sér vel en námskeiðin, sem þar hafa verið gerð fyrir Edge, hafa til dæmis verið notuð sem undirbúningsnámskeið fyrir ákveðnar námsbrautir og námskeið fyrir minni hópa.

Dæmi um kröfur edX er að öll kennslumyndbönd séu stutt og að vel sé hugað að aðgengi. Í því felst meðal annars að myndböndin þurfa að vera textuð og að allar ljósmyndir/kyrrmyndir verða að hafa lýsandi merkingar

(e. tags). Það þýðir að myndefni er lýst í texta sé einstaklingur ekki fær um að horfa á það. Annað sem þykir mikilvægt er að kennarar tali til nemenda og tali því beint í myndavél séu þeir í mynd. Nauðsynlegt er að námskeið byggji á vel mótaðri kennsluáætlun og mælt er með því að kennarar noti leiðsagnarmat til að meta frammistöðu nemenda sem og stutt próf og umræður. Edge-námskeið geta þó farið fram án námsmats í einstaka tilfellum.

Heimildir

Elva Björg Einarssdóttir. (2019). Íslendingasögurnar: Fyrsta edX-námskeið Háskóla Íslands. Viðtal við Hjálta Snæ Ægisson, doktorsnema og stundakennara í almennri bókmenntafræði á Hugvísindasviði Háskóla Íslands. Tímarit Kennslumiðstöðvar Háskóla Íslands, 7(1), 46-47. <https://doi.org/10.33112/tk.7.1.23>

Ráðstefna

ICED í Atlanta

Guðrún Geirsdóttir, dósent við Menntavísindasvið og deildarstjóri Kennslumiðstöðvar Háskóla Íslands

Alþjóðasamtökin The International Consortium um for Educational Development (ICED) voru stofnuð árið 1993 til að styðja við kennslu þróun á háskólastigi um allan heim. Þetta eru regnhlífarsamtök samsvarandi landsamtaka 24 þátttökupjóða. Samtökin gefa út tímarit og halda ráðstefnur annað hvert ár en stjórnarfundir árið þar á milli. Næsti stjórnarfundur samtakanna verður haldinn við Háskóla Íslands í júní nú í ár.

Árið 2018 var ráðstefna samtakanna haldin í Atlanta í Bandaríkjunum 5. til 8. júní og sóttu hana yfir 600 þátttakendur frá 35 löndum. Við vorum þrjár frá Háskóla Íslands (HÍ) sem sóttum þessa ráðstefnu og kynntum niðurstöður okkar rannsókna; Abigail Grover Snook, stundakennari og doktorsnemi við Heilbrigðisvísindasvið HÍ, Ásta Bryndís Schram, lektor og kennsluþróunarstjóri við Heilbrigðisvísindasvið HÍ og Guðrún Geirsdóttir, deildarstjóri Kennslumiðstöðvar



Abigail Grover Snook, Guðrún Geirsdóttir og Ásta Bryndís Schram í Atlanta

HÍ Auk vinnustofa hlýddum við á fjölbreytt erindi og málstofur og tókum með okkur heim þekkingu og reynslu sem mun nýtast í frekari rannsóknum og kennsluþróun